

19 NOV 2011

ՀԱՅԱՍՏԱՆԻ ԲՈԼՈՐ ՑԵՐԿՐՆԵՐՆԵՐԻ ՄԻԱՅԵԹ

91.99

2-71

h m.

ՎԱՀԱՆ ԹՈԹՈՎԵՆՑ

Լ Ա Ո - Յ Ո

ՊԱՏՄՎԱԾԻՔ

Բ. ՀՐԱՏԱՐԱԿՈՒԹՅՈՒՆ

337



1930

ՍՈՒՐԻ ԿԵՆՏԿՈՍԻ ՀՐԱՏԱՐԱԿՈՒԹՅՈՒՆ

Ե Ե Դ Ե Գ Խ Ե

13723-57

ԼԱՌ—ՀՈ

ՀԱՅԱՍՏԱՆԻ ՊԱՏԱՐԱՆ
ՊԱՏՎԵՐ 656
ՔՐԱՌԵՊԳԼԻԱՐ 2946 (բ)
ՏԻՐԱԺ 5000

Փոքրիկ Լառ-Հոն ուշադրութեամբ լսում
էր իր հոր և նրա ընկերների տաք վիճաբա-
նութիւնը:

Հայրը նրան պատվիրել էր գնալ բակը և
խաղալ մի փոքրիկ կտոր մարգագետնի վրա և
նա վստահ էր, վոր Լառ-Հոն գնացել է և ի-
րանց չի լսում:

Բայց Լառ-Հոն չափազանց հետաքրքրված
էր իր հոր և նրա ընկերների խորհրդավոր հա-
վաքով: Նրանք հաճախ էլին հավաքվում
իրանց տանը և խոսում, վիճում, հայհոյում,
զայրանում, հետո համաձայնութեան գալիս և
բաժանվում:

Յերբ հայրը պատվիրեց Լառ-Հոյին դուրս
գնալ և խաղալ, նա գնաց, բայց գաղտագողի
վերադարձավ և կծկվելով սենյակի անկյու-
նում, սկսեց ուշի-ուշով լսել իր հոր և նրա
ընկերների խոսակցութիւնը:

Սենյակը կիսամութ էր և նրանք չնշմա-
րեցին Լառ-Հոյի նշած և աչքերի բոցը, վոր
վառվում էր սենյակի միջին անկյունում:

Փոքրիկ Լառ-Հոյի աչքերի հուրը գնալով
ավելի յեր բոցավառվում ներքին անսահման

հետաքրքրութիւննից գեպի իր հօր և նրա ընկերների խոսակցութիւնը:

Լաո-Հոյի հայրը և նրա ընկերները չինացի բանվորներ եյին, վորոնք աշխատում եյին Չինաստանի իրենց շրջանում գտնված անգլիական ածուխի հանքերում:

Ամեն անգամ, յերբ բանվորները խոսում եյին անգլիացիների մասին՝ փոքրիկ Լաո-Հոն սարսափով եր լցվում: Նա անգլիացիներին լալ եր ճանաչում:

Սենյակի միջին անկյունում կծկված՝ նրա սարսափը, ներքին խռովութիւնն ավելի սաստկացաւ, վորովհետեւ իր հայրը և նրա ընկերները պատմում եյին, վոր անգլիացիները կարող եյին իրանց կախ տալ առանց դատարանի, առանց վկաների:

Փոքրիկ Լաո-Հոն իր աչքերով տեսել եր, վոր անգլիական հանքերի մի վերակացու մտրակով ծեծել եր իր հօրը և նրա ընկերներին: Մտրակի հարվածները շաչել եյին իր հօր և նրա ընկերների մերկ թևերի և ուսերի վրա:

Յերբ որեկան խաչած բրինձը պահասում եր Լաո-Հոյի և իր քույրերի և յեղբայրների համար՝ հայրը անգլիացիներին եր անիծում:

Անգլիացիներն եյին ամեն թշվառության պատճառը, նրանք եյին, վոր կիսաքաղց եյին պահում իրանց և հարեաններին:

Լաո-Հոն խորապէս հասկանում եր իր հօր անեծքը և լցվում եր ատելությամբ՝ գեպի անգլիացիները, այդ յերկարահասակ, մռայլ,

փոքրիկ, կապույտ աչքերով մարդիկը, վոր յեկել եյին ոտար յերկրից պարզապէս իրանց տանջելու:

Լաո-Հոն սարսափում եր անգլիացիներէից և միաժամանակ ատամներն եր կրճտացնում ամեն անգամ, վոր տեսնում եր նրանց: Յերբ փողոցում տեսնում եր նրանց՝ սարսափահար աչքերը չուում եր նրանց վրա, վորքան նայում եր, ավելի յեր սարսափում, բայց ի վերջո սարսափը փոխվում եր բարկության, վոր ծնունդ եր առնում նրա փոքրիկ սրտում, մեծանում և ընդգրկում ամբողջ մարմինը: Այդ փոքրիկ, թուջունի պէս վախկիկ յերեխան՝ ուղում եր նետվել մեկն ու մեկի յերեօին և չանդռել:

Այժմ իր հայրը և նրա ընկերները պատմում եյին անգլիացիների մասին, պատմում եյին նրանց դաժանութիւնները:

Լաո-Հոն լսում եր բոցավառ, ատելությամբ բոցավառ աչքերով կիսալույս սենյակի մութ անկյունից:

Ապա խոսակցութիւնը փոխվեց: Դաժանութիւններից նրանք անցան դաժանութիւններին վերջ տալուն: Նրանք խոսում եյին գործադուլի մասին:

Մի քանի օր եր, վոր Լաո-Հոյի հայրը ամխահանք չեր գնացել: Չեյին գնացել և նրա բանվոր ընկերները:

— Ուրեմն գործադուլը դա յեր, մտածեց Լաո-Հոն:

Անգլիական ամխաճանքի բանվորները գործադուլ ելին արել: Այդ որերում Լաո-Հոյի բնտանիքի և հարևանների դբությունն ավելի վատթարացավ: Վոչ թե խաչած բրինձը պակասում էր, այլ բոլորովին չկար:

Լաո-Հոն ականջը սրեց: Գործադուլավոր բանվորները խոսում էին, վոր անգլիացիները վոստիկաններ ելին բերելու գործադուլավորներին բռնի քչելու գեպի ամխաճանքերն աշխատեցնելու: Վոստիկանները պետք էր բռնե-լին իր հորր և նրա բանվոր ընկերներին, ծեծելին, ավիններով խփելին, մինչև անգամ զաշույններով ծակելին նրանց մարմինները և կախ տալին:

Լաո-Հոն ամբողջ մարմնով գոգում էր: Բանվորները ծրագիր էլին մշակում վոստիկաններին դիմադրելու, կովելու նրանց գեմ, չթողնելու, վոր իրանց վոչխարի նման քչեն գեպի ամխաճանքերը, մինչև անգլիացի տե-րերը կատարեն իրենց պահանջները:

Նախորոք հայտարարված էր գործադուլավոր բանվորներին, վոր յերր վոստիկան-ները մտնեն իրենց թաղը՝ կոխվը սկսելու հա-մար աղզանչան կտրվի հենց իրենց, Լաո-Հոյի հոբ բնակալանի կատրից, կարմիր դրոշակ ծածանեցնելով:

Այժմ Լաո-Հոյի հայրը և իր ընկերները վիճում էին այն մասին, թե՞ ո՞վ պետք էր ասար աղզանչանը, վորպեսզի գործադուլավոր

բանվորները սկսեյին կոխվը վոստիկանների դեմ:

Վիճարանությունը գնալով տաք բնույթ էր ստանում բանվորների միջև:

Վիճում էին այն մասին, թե՞ ո՞վ էր ամենից հարմարը իբրև դրոշակ բարձրացնող:

Փոքրիկ Լաո-Հոն չէր հասկանում թե ինչո՞ւ էլին վիճում այդ մասին: Ձե՞ վոր դրա-նից ավելի հեշտ բան չկար. ի՞նչ դժվար բան էր: Լաո-Հոն մինչև անգամ ծիծաղեց ներքնա-պես, ծիծաղեց հեգնելով մեծ-մեծ բանվորնե-րին, վորոնք յերկար վիճում էին այդ մասին:

— Մեզանից կարմիր դրոշակ բարձրացը-նողը պիտի լինի այն մարդը, վոր կամ բոլո-րովին բնտանիքի տեր չէ և կամ ընտանիքի քիչ անգամներ ունի, տառջարկեց բանվորնե-րից մեկը:

Բոլորը գլուխները կախեցին: Բոլորն էլ բնտանիք ունեյին և բնտանիքի շատ անգամ-ներ, մի քանիսը մի յերկու անգամով ավելի պակաս, քան մյուսները:

Լաո-Հոն էլի գլխի չընկավ, բայց հեգնա-կան ժպիտն անհետացավ նրա գեղնավուն չոր-թուխների վրայից: Բնագործեն զգաց փաք-րիկ մանուկը, վոր իր կարծածի չափ թեթև բան չէր կարմիր դրոշակ բարձրացնելը: Նրա աչքերի հուրը ավելի բոցավառվեց, նա սկսեց մտածել այդ մասին: Նա գիտեր, վոր կարմիր դրոշակը կլինի այն դրոշակը, վոր պահարա-նում իր հայրը պահած էր: Այդ դրոշակը

Ժանը չեր: Ուրեմն ծանրութեան համար չեր:
Փոքրիկ մանուկն անգամ կարող եր վերցնել:

Վիճաբանութիւնը շարունակվեց և Լաո-
Հոյի համար պարզ յեղալ ամեն ինչ: Ուրեմն
դրա՞ համար եր: Նա հասկացաւ, վոր դրո-
շակ բարձրացնողն անսլաքման կլինեի վտանգ-
կանական գնդակի առաջին զոհը:

Լաո-Հոն սենյակի միջին անկյունում սար-
սուաց: Նա պատկերացրեց այն վիճակը, յերբ
իր հայրը այլևս չեր լինի այս աշխարհում:
Վայրկենապես պատկերացաւ նրա նշաճե-
փայլուն աչքերի առաջ իր հոր գիւղի, վոր
փախած և իրենց բնակարանի կառուի վրա,
մինչև անգամ նրան այնպես թվաց, վոր լուծ
և իր մոր աղիողորմ լացը, նրան թվաց, վոր
իր մայրը գրկել և իրան, քույրերին և յեղ-
բայրներին և լաց և լինում:

Լաո-Հոն սարսափեց և ատելութիւնից
կծեց իր գեղնավուն չրթունքները և կրճա-
ցրեց իր սպիտակ ատամները:

Ծանր հարց եր, վիճում էին դորձադու-
լավոր բանվորները, բայց չէին կարողանում
յեղրակացութեան գտլ:

Ամեն մի բանվոր պնդում եր, վոր ինքը
բարձրացնի կարմիր դրոշակը, բայց յուրա-
քանչյուր բանվորի առաջարկը մերժվում եր
մյուսների կողմից, նկատի ունենալով յուրա-
քանչյուրի բնաանեկան դրութիւնը:

Հանկարծ սկսեց խոսել Լաո-Հոյի հայրը:
Լաո-Հոն դարձաւ սմբողջական ուշադրու-

թիւն: Կարծես նրա մարմնի ամեն մի մասնի-
կը մասնակցում եր լսողութեան, նրա բոքիկ
վտանքն անգամ լարված ուշադրութեամբ լը-
սում էին հորը խոսքերը:

Հայրը սկսեց ծանր և մոռայլ, բայց հաս-
տատուն տոնով.

— Ի՞մ պարտականութիւնն և, վոր յե՛ս
բարձրացնեմ կարմիր դրոշակը, չե՞ վոր դրո-
շակը պետք և բարձրանա ի՞մ բնակարանի կը-
տուրի վրա:

Բոլորն ել մերժեցին: Նա շարունակեց բա-
ցառել այն բարոյական պարտքը, վոր ընկ-
նում և իր ուսերի վրա:

— Թույլ տվե՛ք, բացականչում եր նա,
վոր յես կատարեմ իմ դատարարգային պարտ-
քը:

Լաո-Հոն սենյակի անկյունից, կծկված,
բայց բոցավառ աչքերով, դիտեց հորը և ըզ-
գաց, վոր հայրն ահա բաժանվում և իրանցից
— մօրից, քույրերից, յեղբայրներից և իրա-
նից: Ուզում եր ձայն բարձրացնել, ճշալ, փա-
թաթմել նրան, բայց մանկական խոր բնազդով
զսպեց իրան:

Հանկարծ դրսից լավեցին աղաղակներ և
հարայ-հրոցներ:

Լաո-Հոյի հայրն անմիջապես վաղեց
դուրս, իսկ մյուսները վաղեցին դեպի նեղիկ
լուսամուտը:

Լաո-Հոն տեղիցը չշարժվեց: Նա անկյու-

նում ավելի կծկվեց, բայց աչքերի հուրն ավելի բոցավառվեց:

Քիչ անց ներս ընկավ հայրը և հայտարարեց.

— Վատիկանները լցվել են բանվորական թաղը:

— Պետք է բարձրացնել դրոշակը, աղաղակեց բանվորներից մեկը:

Հասավ ահավոր, վճռական բուռն:

Այսպես թե այնպես պետք էր վորոշելին: Ուրեմն նրանցից մեկն ու մեկին սպասում էր ատույգ մահը:

Կիսախափար սենյակում տիրեց ծանր լռություն: Կարծես ամբողջ մթնոլորտը կապարացավ: Վո՛չ վոք չէր համարձակվում պատռել այդ ահավոր, ծանր, սև լռությունը: Բոլորն էլ չռած աչքերով նայում էին կարծես տարածության մեջ:

Լաո-Հոյի հայրն էր, վոր պատռեց լռությունը:

— Պետք է բարձրացնել կարմիր դրոշակը, թույլ տվե՛ք կատարեմ իմ պարտականությունը:

Լռություն, ծանր լռություն:

— Կարմիր դրոշակ պետք է բարձրացնել, աղաղակեց Լաո-Հոյի հայրը, բանվորներն ըստ պատում են:

Քար լռություն:

Լաո-Հոյի հայրը հանկարծ դպաց, վոր լռությունը համաձայնությունն ունի: Անմի-

ջապես վազեց դեպի պահարանը կարմիր դրոշակը վերցնելու: Վո՛չ վոք նրան չէր դիտում, ամեն մեկը աչքերը չռել էր վորոշ ուղղությամբ:

Դրոշակը չկար:

— Ո՞վ է վերցրել կարմիր դրոշակը, նյարդային բղավեց Լաո-Հոյի հայրը: Վո՛չ մի պատասխան: Նա վազվզեց դեպ-դեն, ջղաձգություններ և համառորեն վորոշեց դրոշակը: Զրկար ու չկար:

Հանկարծ դրսից լսվեց հրացանների վորոտ:

Դրսում կռիվն սկսել էր անգլիական ամառանքի տերերի կողմից վարձված վոստիկանների և գործադուլավոր բանվորների միջև:

— Բանվորներն սկսել են կռվել մինչև անգամ առանց ազդանշանի, ցատումով հայտարարեց Լաո-Հոյի հայրը: Դուք ինձ չթողիք, վոր ժամանակին բարձրացնեյի դրոշակը:

Բոլորը լռեցին: Իրավունք ուներ նա:

— Այժմ մեզ մնում է աճապարել դեպի կռիվը:

Բոլորն էլ շարժվեցին:

Հանկարծ դրսից լսվեց Լաո-Հոյի մոր լացըն ու կոծը: Նա ներս ընկավ Լաո-Հոյին գրրկած:

Լաո-Հոյի ճակատից վազում էր ալ-կարմիր արյուն: Նա ձեռքում բռնել էր կարմիր դրոշակը:

Լաո-Հոն դեռ վողջ եր:

Հայրը գրկեց նրան.

— Լաո-Հո, ի՞նչ պատահեց քեզ...

— Կտուրի վրա կարմիր դրոշակ բարձրացնելիս՝ խփեցին ինձ, պատասխանեց փոքրիկ հերոսը և փակեց աչքերն ընդմիջտ:

Հայրը համբուրեց նրա արյունաթաթափ ճակատը, դրեց մոր գրկում և արյունով ներկված շրթունքներով աճապարեց դեպի փողոց:



<< Ազգային գրադարան



NL0333306

31347

ԳԻՆԸ 5 ԿՈՊ.